



Synfocity = 1024

mail us at : mzsynfo@gmail.com; mizoramsynod@gmail.com - Phone - 2314648

March 12, 2026

☐ Kohhran Hmeichhe Rorel Inkhawm

March 6-8, 2026 chung khan Champhai Vengthlang Kohhran Biak Inah Kohhran Hmeichhe Rorel Inkhawm vawi 13-na tuang taka neih a ni. Rorel Inkhawmah hian thupui 'Sim rawh u, van ram chu a hnai tawh e' (Matthaia 4:17) niin Speaker chu Rev. Remlalfaka, Secretary, BSI Aizawl Auxiliary a ni a, rorel palai 1094 an kal.

Inchhiarna lam - Bial leh Kohhran mal zawmtu 223 an awm a, Kohhran leh Branch Church 1001 an awm bawk. Chhungkua zawng zawng 1,25,104 a ni a, Ni tin chung inkhawm nei thei chungkua 90,687 (72.50%) awmin, Buhfaitham tham ziah chungkua 1,23,145 (98.44%) an awm bawk. Kohhran Hmeichhe member 2,08,921 an awm a ni. Member tam berna bial chu Champhai Vengthlang Bial niin member 3,122 an awm a, member tlem berna bial chu Buarpu Bial a ni a, member 36 an awm a ni. Kristian chungkaw dinhmun teha pakhatna chu Phainuam bial a ni.

Thurel tlangpuite :

1. Kum 2027 Kohhran Hmeichhe Inkhawmpui Lian chu North Vanlaiphaiah nghah a ni a, kum 2028 Kohhran Hmeichhe Rorel Inkhawm chu Sihphirah nghah a ni.
2. Women Centre pualin tum khat inkhawm thawhlawm lakkhawm.
3. Synod Hospital, Durtlang tan Charity fund leh John Williams Hospital, Lunglei tanpuina pualin a hnan ve vein thawhlawm lakkhawm.

☐ Synod Partnership

March 11, 2026 (Nilaini) khan Synod Partnership Committee chuan kum danga a tih thin angin Synod recognized Para Church leh Khawtlang a rawngbawlina kalpui mek pawl hrang hrang 31 te nen intawhkhawmna hun JM Lloyd Hall, Synod Office-ah an hmang.

He hun hi Rev. John Raldosanga, Synod Moderator-in a kaihhruai a, Rev. Dr. Rosiamliana Tochwang, Executive Secretary i/c Partnership-in Fuihna thuchah a sawi a. Pawl hrang hrang atanga kal te pawhin an rawngbawlina chanchin tawi an sawi bawk. He intawhkhawmnaah hian pawl hrang hrang atangin mi 85 vel an kal a. Synod hminga an rawngbawlina hriatpuina thilpek heng pawl hrang hrang hnenah hian pek an ni.

☐ Campus Ministry

March 4 - 6, 2026 chung khan Synod Home Mission School, Zawlpuih Gospel Week hmanpuiin Tv. Lalrinchhana, Counselor, Resource Person Pu C. John Saiparlana leh Tv. Lalthlanawma te an kal. Gospel Week hi ni thum chung hman a ni a, zirtirtu leh zirlaiten an hlut hle a ni.

☐ Trust

March 6, 2026 (Zirtawpni) khan Tlungvel Vengthar Pastor Quarters ram en felin Upa Thangliankhuma, AE leh Pu Lalhriatrenga, JE te an kal.

☐ Worship

◆ March 6, 2026 (Zirtawpni) khan Khawlailung Bangla Veng Kohhranah Music Training neihpuiin Pu C. Zirliantanga, Instructor leh Upa Lalhmingliana, Trainer te an kal.

◆ March 7, 2026 (Inrinni) khan Lengpui Kohhran leh Sihhmui Kohhranah Music Training leh Zaihrui Training neihpuiin instructor-te, Tv. H. Lalthazuala, Pu Rorelkima, Pu Benjamin Sailo leh Pu Immanuel Lalrinmawia te an kal.

☐ MSSU

March 14, 2026 (Inrinni) hian Sunday School Zirtirtu Training neihpui turin Trainer-te hetiang hian an chhuak ang:

Khatla East Kohhran Upa B. Lalhmunliana, Upa Lalchualova leh Upa Danny Lalremmawia
Hualngohmun Kohhran Upa Lalsiammawia Pachuau, Upa C. Lalbiaksanga leh Upa T. Lalbiakdika
Thuampui Venglai Kohhran Upa K. Vanlalngbaka, Upa Lalliantluanga leh Upa R. Vanlalhruaia

❑ **Social Front**

March 17, 2026 (Thawhlehi) hian Chhiahtlang Bial KṚP buatsaihin Venghlun Kohhran Centenary Hall, Chhiahtlangah Sex Education Campaigne nei turin Rev. V.L. Krosschhuanmawia, campaigner a kal ang.

❑ **Chanchin Ṭha thlen ni**

Mizorama Chanchin Ṭha thlen Ni champha March 15 (Pathianni) hi Kohhran hrang hrangah special programme-a hman a ni ang. Kum 2012 Synod Inkhawmpui chuan Rev. William Williams-a'n Mizoram a lo luh ni, March 15, 1891 chu Mizorama Chanchin Ṭha Thlen Ni atan a pawm a. Kum 2014 aṭang khan March 15 chu Mizorama Chanchin Ṭha thlen ni atan hman a ni ta a. Kumin hi Chanchin Ṭha thlen aṭanga kum 135-na a ni. Kuminah hian Chanchin Ṭha thlen ni hi Pathianni a nih avangin programme tum hnih - chawhnu leh zan atan siam a ni.

Mizorama Chanchin Ṭha thlen ni atana kan hman March 15 hi Mizorama Chanchin Ṭha rawn puang hmasa bertu Rev. William Williams-an Mizoram a rawn thlen ni champha a ni a. Rev. William Williams-a hi Khasi rama Welsh missionary a ni a, Mizote chanchin a hriatin Mizote zinga Chanchin Ṭha hril a duh hle a, Mizote zingah missionary ni tura a lo kal thei lo chungin Mizoram tlawh hram a tum a, Silchar DC remruatpuinain sipai ho ruala lo kalin Mizoram a rawn lut a, a hmasa ber atan Mizote zingah Krista Chanchin Ṭha a rawn puang ta a. Chuvang chuan Rev. William Williams-an Mizoram a rawn thlen ni hi Mizoram Presbyterian Kohhran chuan Mizorama Chanchin Ṭha thlen ni atan a hmang ta a ni.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund aṭangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Damparengpui	Damlo	4	₹ 40,000/-
2.	Champhai Kanan	Damlo & Khawsak harsa	2	₹ 20,000/-
3.	West Serzawl	Damlo	1	₹ 10,000/-
4.	Silchar	Damlo	1	₹ 10,000/-
5.	Thenzawl Field Veng	Damlo	1	₹ 10,000/-
			Belh khawm	₹ 90,000/-

February 2026 thla chhunga harsatna hrang hrang tawkte hnenah Synod Relief Fund aṭanga chhawmdawlina sem zat chu ₹ 4,12,000/- a ni.

❑ **Hruaina Eng TV Programme**

- 12.3.2026 (Ningani) 08:30 pm : Thupui zir bing
- 13.3.2026 (Zirtawpni) 05:00 pm : Kristian Naupang Pual
- 14.3.2026 (Inrinni) 05:30 pm : Puitling Sunday School Zirlai
- 15.3.2026 (Pathianni) 07:00 am : Sermon - Upa C. Lalmalsawma
- 17.3.2026 (Thawhlehi) 06:00 pm : Nilai zan thupui
- 08:30 pm : Kohhran Chanchin - Sihphir Venglai Kohhran

❑ **FM Zoawi - Aizawl & Lunglei : Hruaina Eng Radio Programme**

March 13, 2026 (Zirtawpni) @ 7:30 p.m. :

- Solo : Jennifer Lalremruati - Chanchin Ṭha mitin tan
- Zaipawl : Besy Choir - Chanchin Ṭha puang ru
- Thusawi : Upa Dr. Lalrinmawia - Hun awmzia leh tunlai zirna
- Solo : C. Lalrindiki - Mamawh chhanna
- Zaipawl : Bawngkawn Bial Zaipawl - Chanchin Ṭha chu

❑ **Moderator leh Executive Secretary-te Programme :**

Rev. John Raldosanga, Moderator Programme:

- March 12-15, 2026 KJP Mihngi Synod hmanpui
- March 20, 2026 Buarpui Biak In hawn
- March 21, 2026 Thenzawl Dinthar Kohhran Golden Jubilee lawmna hmanpui
- March 22, 2026 Thenzawl Bial

Rev. V.L. Luaia Hranleh, Senior Executive Secretary Programme:

March 17, 2026 Nupa Thu Sub-committee leh Synod Auditor-te nen inkawm ho

Rev. Dr. K. Lallawmzuala, Executive Secretary Programme:

March 12-16, 2026 KJP Synod Pdeng hmanpui

March 17, 2026 Synod Auditor-te nen inkawm ho

March 20-23, 2026 Chhim Bial Seminar

Rev. Dr. Rosiamliana Tohhawng, Executive Secretary Programme:

March 14-16, 2026 Home Mission North tlawh

March 17, 2026 Prison Ministry Committee

March 20, 2026 Ramthar Hostel-a awm tur interview board

March 21-22, 2026 Ramthar Campaign - Aizawl Kohhran

March 18, 2026 (Nilaini)-ah Synod Officers' Meeting (OM)-ah Moderator leh Executive Secretary-te an þhu ang.

**RAWNGBAWL HNA RUAK DIL THEIH
Tihdikna (Corrigendum)**

Mizoram Presbyterian Kohhran hnuai rawngbawl hna ruak hrang hrang, March 4, 5 & 6, 2026-a Vanglaini leh Aizawl Post Chanchinbua Advertisement tihchhuah tawh zinga TUTOR hna ruak bik kha a hnuai tarlan ang hian tihdikna (Corrigendum) siam a ni a, hei hian Advertisement hmasa zawk chu a luahlan ang.

- Hna hming : Tutor - 2 (Contract)
(Synod Hospital, Durtlanga thawk tur)
- Thiamna : M.Sc. Nursing from any recognised university/institution
(Preferably Medical Surgical Nursing, Psychiatric Nursing
& Paediatric Nursing)
- Hlawh : Synod hnuai Tutor contract hlawh

Mizoram Presbyterian Kohhran mi, rawngbawl tura Pathian kohna hria, kum 18-35 inkar, ni 22.4.2026 (Nilaini) a kum 35 la pumhlum lo, zuk leh hmuam leh ruih theih thila fihlim tan dil theih a ni. Dilna Form hi Synod Service Board Office, Aizawl leh Synod Office, Lunglei atangin lak theih a ni ang a; Synod Service Board Office, Aizawl-ah theh luh tur a ni. Dilna form man Rs. 20/- a ni a, dilna form-ah hriat tur pawimawh tarlan a ni.

- # Dilna form hi ni 11. 3. 2026 (Nilaini) atangin lak theih a ni ang.
- # Dilna hi ni 7. 4. 2026 (Thawhlehi) dar 3:00 p.m. thleng theh luh theih a ni ang.
- # Written test neih hun - Ni 11.4.2026 (Inrinni) Dar 10:30 a.m.
- # Interview hun - Ni 22.4.2026 (Nilaini) Dar 10:30 a.m.

Sd/-
(Rev. V.L. Luaia Hranleh)
Secretary
Synod Service Board